

Mahathir rayu pertingkatkan peranan PBB

NEW YORK 29 Sept. — Perdana Menteri hari ini dengan tegas merayu dipertingkatkan peranan Pertubuhan Bangsa-Bangsa Bersatu (PBB) dengan memberi nafas dan makna kepada badan dunia itu untuk menghapuskan keraguan tentang bergunanya badan itu.

Ketika berucap sebagai pemidato pertama pada sessi ke-41 Perhimpunan Agung PBB di sini pagi ini, Datuk Sri Dr. Mahathir Mohamad berkata peranan badan dunia itu tetap ada gunanya, oleh itu ia tidak harus dibiarkan mengalami

nasib yang sama dengan liga negara - negara.

"Sebuah dunia tanpa PBB adalah tidak terfikirkan... Pada PBBlah letaknya harapan kita untuk kehidupan hari esok yang lebih baik, bagi keadilan, keamanan dan kestabilan serta kemakmuran untuk semua bangsa," katanya.

Kehadirannya di sini dianggap sebagai menunjukkan penerimaan yang kuat oleh Malaysia akan sistem PBB.

Beliau berkata bagi memastikan badan dunia itu

(LIHAT MUKA 6)

Mahathir rayu pertingkatkan peranan PBB

kekal sebagai pertubuhan yang berguna, peranannya perlu dipertingkatkan dan tidak tertakluk kepada kepentingan mana-mana negara individu atau blok tertentu.

Beliau berkata walaupun sebulat suara bersetuju bahawa badan itu tidak harus menjadi badan yang tidak berguna, negara - negara kaya dan berkuasa dan negara - negara membangun yang kecil hendaklah sama-sama bertanggungjawab mengenai keadaan PBB sekarang.

Jika prestasi pertubuhan ini tidak sebagaimana yang diharapkan, ia haruslah lebih dipertanggungjawabkan ke atas bahu negara - negara besar yang sama yang mengharap PBB menjadi alat yang berkhidmat untuk mencapai matlamat tertentu, bagi kepentingan tertentu, katanya.

Demikianlah juga maka negara kecil yang membuat keputusan mereka berdasarkan kepada corak politik dan ideologi masing - masing semata-mata, tidak akan memberi sumbangan kepada penyelesaian yang bermakna.

Beliau berkata mereka tidak harus membiarkan diri mereka menjadi "prok-

si" kepada kepentingan blok tetapi patut mengasaskan keputusan mereka kepada merit sesuatu isu itu.

Sesetengahnya pula juga mengeneipkan prinsip, melanggar keutuhan wilayah dan kedaulatan negara kecil yang lemah melalui senjata dan kuasa tentera.

Beliau berkata krisis kewangan sekarang yang dihadapi oleh PBB adalah kesan daripada penggantungan sumbangan tetap oleh sesetengah negara

UM 30 SEP 1986

anggota dan lebih kakitangan sekretariat.

Datuk Sri Dr. Mahathir memuji usaha jawatankuasa 18 anggota untuk menyelaraskan pentadbiran dan prosedur kewangan pertubuhan itu serta mengurangkan kakitangannya, tetapi mengkritik Amerika Syarikat (tanpa menamakannya) kerana mahu menggantung sumbangan tetapnya untuk mende-sak penerimaan syarat-syarat yang diputuskan

oleh kongres AS secara sehalu.

"Peraturan dan prosedur yang dibentuk dengan konsep asas sama rata antara negara - negara, tidak harus dipinda...walau apa juga perasaan tidak puas hati kita yang mungkin timbul terhadap PBB, keanggotaan dalam pertubuhan itu menghendaki kita menerima beberapa prinsip asas dan beroperasi mengikut peraturan yang dipersetujui," katanya.